



JABATAN PERKHIDMATAN VETERINAR MALAYSIA

LAPORAN LIPUTAN MEDIA

ISNIN , 9 MEI 2022	
1.	Industri ternakan gagal
2.	Norhanisah gadis pengembala

DISEDIAKAN OLEH:

**SEKSYEN KOMUNIKASI KORPORAT
JABATAN PERKHIDMATAN VETERINAR MALAYSIA**

TARIKH	MEDIA	RUANGAN	MUKA SURAT
09.05.2022	UTUSAN MALAYSIA		MUKA DEPAN & 2

'Napoleon kecil', birokrasi susahkan penternak terima bantuan disediakan kerajaan

Industri ternakan gagal

Oleh: MAISARAH SHEIKH RAHIM
maisarah.rahim@mediamula.com.my

PUTRAJAYA: Industri ternakan negara terutama penternakan lembu terus gagal sekali gus menyebabkan Malaysia terpaksa bergantung kepada import untuk menampung keperluan ba-

han makanan itu.

Mengikut rekod, walaupun pelbagai dasar dan insentif dilaksanakan kerajaan, namun untuk tahun 2020, Malaysia hanya mengeluarkan 23 peratus daging lembu, manakala pengeluaran daging kambing hanya 11 peratus. Bagi memenuhi keperluan

negara, mengikut data Kementerian Pertanian dan Industri Makanan kerajaan terpaksa mengimport daging yang jumlahnya berjumlah RM4.2 bilion pada tahun 2021.

Angka pengeluaran daging negara sangat kecil sedangkan Malaysia berkeluasan 330,000

kilometer persegi dengan populasi 32.7 juta. Namun hakikatnya, Malaysia tidak mampu mencapai status sara diri (SSL) daging lembu setelah hampir 65 tahun mencapai kemerdekaan.

Perkara itu bukan cakap kosong tetapi dilalui sendiri seorang penternak lembu, Gulam

Manaver Mobarak Ali yang berdepan banyak rintangan sepanjang mengusahakan ternakan lembu selama 26 tahun, sejak 1995 hingga sekarang dan masih menyimpan semua bukti berdokumen.

Bersambung di muka 2

Industri ternakan gagal

Dari muka 1

Membangkitkan perkara itu kepada *Utusan Malaysia*, beliau berkata, walaupun pelbagai pelan strategik dan tindakan pembangunan industri pedaging dibentangkan, tetapi ia masih tidak mencapai hasrat memberansangkan.

Malah, menurut beliau, pelan seumpama itu bukanlah baharu tetapi diumumkan secara berulang-ulang berpuluh tahun lalu dengan menggunakan istilah-istilah terkini.

Terbaharu, 12 hala tuju dibentangkan Jabatan Perkhidmatan Veterinar (JPV) yang dikatakan lebih komprehensif bagi memperkasa industri ru-

minan negara demi mencapai hasrat kerajaan mengurangkan kebergantungan kepada import.

"Apakah sebenarnya menghalang Malaysia sukar mencapai tahap SSL walaupun mempunyai kawasan luas dan sesuai untuk penternakan?"

"Industri ini lebih sukar mencapai kemajuan apatah lagi timbul isu kartel daging import yang diragui status halal didakwa berlaku sejak 40 tahun lalu dan diakui wujud membatalkan urusan niaga bernilai berbilion ringgit," katanya ketika ditemui di sini, baru-baru ini.

Beliau mendakwa, kesukaran industri ini untuk bangkit semakin payah apabila wu-

judnya 'napoleon kecil' dalam agensi kerajaan sendiri yang 'menghalang' usaha penternakan lembu bagi mencapai SSL.

Perkara itu pernah diakui bekas Menteri Pertanian dan Industri Makanan, Datuk Seri Salahuddin Ayub pada tahun 2020 bahawa pihaknya akan memusnahkan kerenah birokrasi yang mungkin masih ada terutama membabitkan isu pemberian insentif, subsidi, perolehan, khidmat nasihat serta tempoh menunggu yang tidak relevan.

Disebabkan kerenah birokrasi itu, terdapat banyak bantuan kerajaan dan permohonan penternak tidak dapat dilaksanakan.

TARIKH	MEDIA	RUANGAN	MUKA SURAT
09.05.2022	HARIAN METRO	LOKAL	20



NORHANISAH memandikan lembu di kandang di Kampung Rantau Panjang, Masjid Tanah.

Norhanisah gadis 'penggembala'

Masjid Tanah: Ketika rakan seusianya memilih kerjaya di kota dan selesa, gadis ini sebaliknya memilih menjadi 'gembala' lebih 1,000 kambing, kerbau serta lembu.

Minatnya terhadap industri penternakan haiwan ruminan menyebabkan Norhanisah Norsham, 22, tidak menoleh ke belakang dan meneruskan usahanya itu.

Segala tenaga dicurahkan bagi memastikan lembu, kerbau dan kambing ditenak bapanya, Norsham Mat Jan, 52, sentiasa mendapat makanan mencukupi dan sihat.

Dia berkata, banyak menghabiskan masa di kandang haiwan peliharaan di Kampung Rantau Panjang, di sini.

Ditanya mengenai faktor yang mendorongnya bermi-

nat dengan sektor berkenaan, Norhanisah berkata, dia sudah sehati dengan kehidupan sebagai penternak haiwan sejak kecil.

"Sejak kecil saya mengikut ayah menyabit rumput, menabur palet (makanan) untuk lembu, kerbau dan kambing, membasuh kandang dan memandikan lembu dan kerbau," katanya.